

(新手故) 《我呢世人最憎貓》

作者: 嬰兒肥yingefat

Powered by [紙言](#)

《我呢世人最憎貓》一。遇見黑妹

介紹下我先啦，我叫羅柏霖，今年22，讀緊動物護理，係一間獸醫診所做緊實習獸醫護士，搵幾多？比上不足，比下有餘啦。係同行嚟講我，都算唔錯既～我覺得人唔需要好有錢，養得起自己同屋企人咪ok囉～比錢屋企人可以好似我細路嗰陣問佢地拎錢學野同埋交學費咁爽快既話呢，良心就都過意得去啦。199，sorry～

「我呢世人最憎貓！」沒想到這句話會從我口中說出，因我由細到大都最鐘意貓。這句話不是衝口而出，係

我真心覺得前世同d貓有仇，可能前世d貓係老鼠、我係d貓捉晒佢地食晒佢地，佢地宜家番嚟報仇。

黑夜中的街角，牠凝視著您，別要看牠的雙眼！牠們是邪惡的化身。

我唔係想醜化貓，但經過嗰件事之後.....

一直我都覺得喵喵係神秘既化身，喵星人總是愛活著自己世界，呢點好似我。我享受一個人既世界，唔鍾意比人打擾，除非我鍾意嗰個人。可能因為我呢個性格，所以我中學都無乜朋友，見到一大堆MK同學圍威喂咁放學去公園食煙吹水，我都唔會跟去，當然佢地都無邀請我啦哈哈。

唯一一個朋友就係張景軒啦

((到宜家仲Keep緊呢段友誼))，佢同我好唔一樣，好多野講、好多朋友，次次同佢一齊，佢都好似開左自動吹水機咁，係咁講野。開始我覺得佢好煩，但發現佢都係同我一樣好鍾意動物，但係住屋村根本唔可以養寵物。呢個共同話題同背景差唔多，令我地更加friend、更多野講。

而我媽是個全職的家庭主婦，有時會抄下散咁，有時又會做下義工。我呀媽真係一等一既好女人，持家有道，又有愛心。可惜老豆成日係大陸工作，總覺得老豆係上高玩女人，唔知係咪睇得電影多又聽得d

人講「叫雞上大陸，唔驚會生梅毒。」，其實我無乜證據比我知道既，只不過係直覺。我成日比人話唔岩做理科工作，因為真正識我既人，都知我感性 > 理性，即使我覺得我扮得幾理性都好。

考完會考既暑假，

我就同張景軒去左Spca報名做義工。兩個男仔，一個想養貓、一個想養狗，屋企又唔養得。

一開始就聽下talk呀，有d類似簡介會既。我地去左，填埋form，過左幾日就打左支疫苗

。我地有時洗下狗籠、帶d狗仔去散下步，幾寫意。張景軒就好開心，而我都ok既，不過我就想接觸下d貓貓，但仲未有機會有類似既活動係關於貓既。

係嗰到識左一個女仔，佢叫杜嘉婷，係個混血兒，媽媽係泰國人。性格好爽！我唸宜家好小女仔做義工係無機心，好多做義工嗰d郁d就話辛苦、又話曬，一係就為左嗰d其他學習經歷而去做，一係就做完義工即刻post相上Facebook話自己幾有幾有愛心咁，有d直程「彩您都傻，白天鵝！」，唔收錢服侍人or狗？三狗唔識柒，點解要幫？.....

但佢唔會！佢一d港女feel都無。佢眼大大，梨花頭。大概159cm到，我高佢一個半頭，身材唔叫出眾，雖則佢皮膚有d黑。成日著褲，未見過佢著裙～可能係做義工著褲方便d掛？但笑起上嚟仍係好pure，好true！我同張景軒成日笑佢～又叫佢黑妹，佢都唔介意。

嗰三個月暑假，係我中學生捱過得最開心既，番下part - time，放假就去Spca，探下d狗仔，又同佢地玩下。而且又見到黑妹，黑妹黑妹黑妹成個腦都係佢，好鐘意佢叫我「Berlin · Berlin」～見到佢個笑樣，就乜野煩惱都無晒，我唔知佢覺得我點呢？傻仔一個？呢種十月芥菜既心境，我未試過，係第一次咁，呢d可能叫戀愛呀～傻仔，呢d叫單機暗戀渣！.....

《我呢世人最憎貓》二。你好，喵星人1

放榜既前一日，我仍去左Spca做義工，而個大膽張景軒去左日本旅行，聽日先番。我同黑妹做晒所有野，就坐係草地到傾計.....

黑妹：喂！您簡左咩科呀？

我：您講先啦

黑妹：衰！講啦，識左您幾個月啦都，今年大家都係會考！
((我地一直都好少提讀書d野，可能黑妹係band1學校，而佢知我同張景軒都係band3仔，所以佢驚我地自卑掛？我估渣～？我都唔知，但我地都好少主動提起學校呀d野，多的是圍繞Spca同貓貓狗狗))

我：問者先答呀！ < 講完出嚟都覺得有d小學雞～

黑妹：好啦，唔好笑呀.....簡左護理系囉，但我想讀動物護理囉～

我：吓 我都係簡動物護理～您呀？夠唔夠細心呀粗手粗腳咁，見您同d狗仔玩，似您比d狗仔玩咁～

黑妹好困惑咁講：咩呀！我真係鐘意呀嘛.....聽日就放榜，有d驚，入唔入到都成問題呀。

我：唔驚啦您英中，贏在跑線上啦～

黑妹：唉也～～～我唔想面對呀～～～～～唉張景軒真係唔識死，放榜仲去玩

我：唔玩有咩做呀，都訓唔著咖啦，佢坐番飛機番嚟呀都叫有d世藝做下呀～我地？望住個天花板，唸嚟唸去，又驚都無咩意思啦.....

黑妹：咁又係，您今晚有冇約人呀？

(? ? ? ? ? ? ? ? 唔通黑妹想約我？ ? 除左同佢係Spca一齊同有時會送佢搭車之外，我都未同佢出過街～我當然扮到無野～若無奇事咁啦～)

我奸笑道：想約我呀？一齊囉反正無野做～

黑妹：無呀.....

我：黑妹～～～誠實d啦～去我屋企樓下個間m記坐通宵啦

黑妹：下.....

我：講下渣！帶您去我同張景軒個秘密基地啦！！

黑妹：我都無話同您出！我問下您渣嘛！8掛呀唔得咩？

我：咁.....您一個人睇天花板睇天光，成晚個心羅羅亂囉～

其實，所謂既最後「秘密基地」，其實只係我屋村樓上個天台渣嘛，但住開私樓既黑妹無呢d咁好feel既天台，即使有都無可能留一晚，會比看更趕走。

戈晚我約到黑妹出嚟，成晚留留長，傾左好多好多.....關於佢，關於我，彼此的了解也加深了。

3；
最後，放榜我同黑妹都夠分讀動物護理，我岩岩好，佢就夠分入醫都唔入走去入動物護理。自己鐘意既人同您有同樣目標真係好爽，而我老死張景軒唔夠分入佢想讀既傳理，就走左去讀幼教。我同黑妹知道真係笑死，佢條友傻傻下咁，又成日講粗口，為人師表wow～教壞細佬！我同黑妹仲講笑話叫佢講定佢會做邊間幼稚園，第時有子女既話，唔好比佢入佢間學校。

而第一次真正接觸喵星人（唔計係街見到），就係同黑妹一齊，同佢一齊去一家寵物診所番part - time。有人話狗係人類既朋友，幫到好多手，但喵星人總是給人一個懶洋洋的印象，其實好多人喵星人有誤解，有d貓唔係想像中咁cool，咁高貴。而「高貴貓」呢個term係完全唔襯我遇到d貓。

Part - time既第一日，我同黑妹sit完堂就趕去診所番工。一入診所個護士帶我地去見獸醫，佢叫DR Dave，叫我地唔洗咁見外，可以叫佢呀Dave。佢帶我地入去，見到五個籠

，有兩隻短毛貓、一隻bunny rabbit，一隻玩具貴婦狗同埋芝娃娃一隻。我地一入嚟隻芝娃娃就吠我地。我見到下底個籠隻短毛好得意，有d似史力加隻長靴貓咁，我見佢一隻腳有包紮住。Dave就抱左佢出嚟，放係手術床到。

Dave：呢隻貓係唔係客人既寵物，係流浪貓嚟既。

黑妹：點解佢會係到既？佢隻腳整親.....

Dave：其實一般情況下，我都唔會帶d流浪貓番嚟診所，驚佢傳染俾其他動物。但係呢佢就想自殺都自殺得醒目，佢係街口到比架車撞到，平時d貓多係後巷到留連咖嘛，佢走左出去大路wow，d街坊帶佢嚟我地到囉。好彩渣！唉～佢估自己真係有9條命咩！（摸著貓貓的頭）

黑妹又摸著貓貓的肚子，貓貓沒有反抗，很enjoy他們輕撫牠的毛。

Dave：出面個兩個護士，帶眼鏡就叫may，唔帶眼鏡就叫Chris，次次有人嚟番工我都咁樣介紹佢地。佢地就放工咖啦，您叫呀May準備兩套護士服比您地換左佢啦。

黑妹換左護士服，純白的護士裙使她的皮膚更黑黝；
但這套制服仍是頗襯她。而我著白衫白褲實在有少少奇怪，好gay佬feel。

《我呢世人最憎貓！》三。你好，喵星人2

Dave、黑妹、我三個圍住手術台望住貓咪，

呢隻貓貓是隻黑色短毛貓，左眼是清澈明亮的湖水綠，左眼卻是湛藍色的。在手術台的燈光底下，映照著的是兩眼透光的，像個無辜小孩一樣，又像《史力加》中隻成日好鐘意扮可憐既穿靴貓。外形肥肥的，貓肚好大。英國短毛貓俾我感覺就係佢地既品性係較溫和，相對其他無咁串。

你係流浪貓？佢既過去係點既您？喵喵喵.....

以前接觸既流浪貓多係比較兇，會擺個勢出嚟，因流浪貓係街頭成日要爭野食呀地盤呀.....爪光牙影再所難免，佢地對「外人」多有一份距離...而佢地既反感顯出佢地長期精神緊張，會怕比人攻擊，即使品性善良都會兇咗先嚟保護自己，明顯佢地係恐懼先會咁...但呢隻貓咪好唔同。

加上，流浪狗仔好可能係走失，主人搵唔到，又或者真係想拋棄佢.....但流浪貓？十隻有九隻都係9成9俾人拋棄，貓貓都唔洗出街，唔見同走失既機率比起狗仔細好多...所以俾人拋棄既動物多會有距離感...但呢隻貓咪好唔同

佢真好係鬼嘜，係咪貓貓發春期呢？

黑妹同佢玩得好開心。

貓貓無晶片，Dr.Dave又話佢留意過附近都無尋貓啟事.....Dave話留多隻貓貓係到一個星期到，再作打算.....

而呢份工都ok好做既，搞下booking打下電話基本清潔呀，有時要照顧下d貓咪狗仔兔仔咁囉，對鐘意動物既人嚟講都幾開心既。

題外話啦，有人話鐘意狗係鐘意被愛，而鐘意貓呢就係鍾意去愛人；我唔知呢個係真定假啦，總知呢個講法套係我身上係好岩既。自問我唔太識去俾人鍾意，反而自己有能力去照顧人會覺得好有滿足感。有時見到黑妹個樣，本身黑妹都95分，女仔有愛心真係加多5分J

有日放左工，

雖然七點，[突發！]黑妹竟主動約我食糖水，平時多係我約佢。可能係佢新part-time第一個星期好滿意掛？我相信近水樓台先得月，同佢一齊番學放學食lunch番工放工食dinner.....d schedule差唔多一樣咁制.....

黑妹：羅柏霖呀.....

我：做咩...做乜響我全朵呀杜嘉婷！

黑妹：我今日同Dr Dave傾過呀.....我同佢講我會收養嘿嘿呀.....

我：嘿嘿？隻流浪貓？幾時幫佢改咗名咖您.....您點得呀，我地住hall咖...您放係屋企養？如果您可以養您就唔會去Spca到做義工啦！.....

我講咗一堆教訓黑妹，佢成日都係咁，女人係咁真係咁唔唸後果做野？雖然話女人唸野做野都係感性行先，但keep住個理性都好緊要咖吓話？？？！

黑妹低著頭.....想喊想喊咁d眼淚又吊係個眼框到個嘴又欲言又止咁確是惹人憐愛.....我都停左教訓佢

我：咁.....您宜家打算點？不如您同番dave講您唔收養得啦

黑妹：咁可以點呀？Dave話送佢去spca呀.....您又唔係唔知.....送到去.....過多排無人認.....就咩咖啦
嘛.....以後就無得見咖啦

我：咁一句講晒，您宜家打算點？

黑妹沉默左幾秒...

好快咁講左一句

黑妹：我想您幫我養嘿嘿！

我深知今晚黑妹約我食糖水，剛才所有既開場白都係為左呢一句、呢個目的.....識左佢咁耐
，呢個傻婆真係唔傻呀吓.....

正所謂「賣仔勿摸頭 摸頭眼淚流」.....雖則隻貓唔係BB，黑妹睇住佢出世既呀媽...

但個女人連個名都幫隻貓改埋，

我都鐘意貓，但我地住hall，佢屋企人又唔鐘意動物.....唔通我顛到拎隻貓番屋企要我屋企人照顧？
？離晒大嫂咖wo.....

我無講野，望住碗蕃薯糖水.....我真係成個蕃薯咁.....

黑妹：我會出錢咖！所有有關嘿嘿既洗費我都會出咖！

唉.....我想養貓好耐.....但我既人生既Planing係出左嚟做野，有自己屋，有老婆有一隻貓，有一個仔
呀嘛.....宜家呢個咁既情況.....講得衰d我下年先廿歲，又無獨立經濟能力，平時住hall洗衫呀執房果
d都懶到一個極點啦，仲要照顧嘿嘿？.....

我：養動物係一世咖wo，嘿嘿已經俾人拋棄過一次，如果我地養唔掂點？又拋棄佢？好多動物都好
不幸要俾人「人道」，但有時，我地無能力去阻止咖嘛.....

黑妹又唔出聲，平時見開佢笑面迎人，宜家真係好唔慣.....

嗰晚我地轉左其他話題...講關於功課既，講關於工作既.....無再提嘿嘿

其實嗰晚我認我係有少少心軟.....我好似好冷血咁，明知一隻貓咪要去送死，而自己鍾意既女仔又好
鐘意隻貓.....

但可以點？？嗰晚之後，見到佢強顏歡笑，一番到診所就同嘿嘿玩，抱住佢.....

DAVE話聽日就要帶嘿嘿去spca...黑妹聽到呢到.....佢無喊，但我知佢好唔開心，佢同Dave請一日假
，話music

soc有野做.....但我知道呢個都唔係主因，主因係佢唔想面對聽日，唔想面對離別時刻...個傻妹就係咁
...乜都放晒上臉，好易睇得穿...

我可以點？我可以點？爽快d啦羅柏霖！！！！！！

(sorry出文有點慢： ()